



Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

XII. Quæritur an synodus Arelatensis adversùs Lucidum fuerit generalis.
Probabile est Lungdunensem quoque, quæ propter eandem causam
habita est, fuisse generalem, adeoque à Leontio convocatam fuisse.

urn:nbn:de:hbz:466:1-15617

tropolitano provinciae, ac Metropolitanorum etiam ordinationem omnino auctoritate ejus fieri debuisse. Quod nihil adimit de potestate Metropolitanorum in suis provinciis, modò præscriptum sibi modum servent; ut patet ex epistola sancti Leonis ad Anastasium.

XII. Stabilita semel auctoritate Leontij per provincias Galicanas, nihil vetat quin viri eruditii existimare possint synodum quæ adversus Lucidum Presbyterum Arelate convenit anno c d lxxv. fuisse generalem; præsertim cum ei subscriptissime reperiantur aliquot Episcopi finitimarum provinciarum, & inter hos, Patiens Lugdunensis, & Eu- phronius Augustodunensis. Suspicari præterea possunt synodum Lugduni eodem anno celebratam in causa ejusdem Lucidi, Leontij auctoritate coactam fuisse, illūmque in ea præfuisse secundum datam ipsi formam a Papa Hilario. Sed in re adeo obscura nihil affirmare ausim, donec major lux af fulgeat.

C A P V T XXXV.

Synopsis.

I. Aenius successit Leontio, ut colligitur ex epistola Ruricii Episcopi Lemovicensis ad Aenium. Probabile est istum quoque usum esse ampla illa potestate in cuius possessione fuerant predecessores ejus.

II. Moriens autem Aenius, successorem suum designavit Cesarium, qui plurimis Concilii generalibus presul.

III. Concilium Agathense congregatum est per missu Regis Alarici & sollicitudine auctoritatis Cesarium. Probatur multis rationibus & testimonio Ruricii ad Cesarium.

IV. Similis hinc locus apud Hieronymum, qui refertur.

V. Cesarius prefuit Concilio Agathensi, eique primo loco ante omnes Metropolitanos subscriptis. Nimirum ob uices apostolicas sedis. Edixit synodus nisi singulis annis synodus generalis haberetur, cuius congreganda curam reliqua Cesarium. Qui sim Hispani Episcopi in epistola Ruricii. Synodus Tolosana, quam in sequentem annum destinaverat Cesarius, habita non fuit.

VI. Aliam aliquot post annis synodum generale intra Gallias congregavit Cesarius, ex qua scriptis ad Papam Symmacum de his que in Concilio illo decreta fuerant.

VII. Cesarius ad eum mittit qui peterent confirmationem privilegiorum Ecclesie Arelatensis. Referatur libellus precum ab iis porrectus Symmacho.

VIII. Expenduntur verba istius libelli, ex quibus multa notatu digna colliguntur.

IX. Symmachus ita confirmavit privilegia Ecclesie Arelatensis ut ceterarum Ecclesiarum privilegia diceret esse servanda. Ejus interim auctoritatem extendit in provinciam Hispaniam. Majores causa ad seDEM apostolicam referenda. Itaque Episcopi Gallia & Hispania in regno Gotthorum existentes pertinebant ad ordinacionem Episcopi Arelatensis.

X. Minatur Symmachus abstencionem Episcopis Gallicanis, si dereliquerint accedere ad Concilia que

auctoritate Episcopi Arelatensis fuerint congregata. Metropolitanus vocabulo intellectu Arelatensem.

XI. De necessitate accipendiarum formatarum ab Episcopo Arelatensi.

XII. Pallium Casario concessum à Symmacho. Cyprianus auctor vita Casarij emendatur. Metropolitanus Galliarum dignitas.

XIII. Eximiam illam dignitatem in Casario agnovit Hormisda: qui ad eum scriptis de sua ordinatione. Emendatur alia Hormisda epistola, in qua omisum est nomen Episcoporum Scythia.

XIV. Enumerantur alia synodi in quibus Casarius praesedit. Causa Contumeliosi Episcopi Reiensis judicata est in Concilio generali. Emendatur epistola Agapeti ad Cesarium, qua gravi mendo laborata in editionibus.

I. L EONTIO Arelatensi Episcopo proxime successit Aenius, ut docet Ruricius Episcopus Lemovicensis in epistola gratulatoria ad illum data in initio ordinacionis ejus. Agnito, inquit, transitu sancte & venerabilis apud me recordationis Domini mei decessoris vestri Leontij, animo & mente confessu, diu multumque tristatus sum; quod & impeditibus peccatis meis tanto antistiti occurrere non merueram, & tali esse parente privatus. Et infra: Nunc vero, ut dicere institueram, accessione ipsius Domini mei & apostolatus vestitione comperta, ad officium vestrum mittere cogitabam. Hinc ergo pater falli eos qui Ioannem collocant inter Leontium & Aenium. Ceterum non invenio istum quicquam notatum dignum egisse quo probari possit ipsum quoque usum esse per Gallias auctoritate illa in cuius possessione erat Leontius. Ex regula tamen heic à nobis toties proposita affirmare licet ad ipsum cum sede transisse vetera privilegia, tametsi clara & aperta istius rei testimonia non extant, adeoque illum decessoribus suis non fuisse minorem. Nam in epistola Papæ Gelafij ad ipsum scripta anno c d c i v. exstat aliquid vestigium, licet valde tenué, generalis sollicitudinis Aenij, cui, ceu Vicario sedis apostolicæ & primo Galliarum Metropolitanu, ea cura committitur, ut Gallicanos Episcopos certiores faciat vigere inter ipsos & sedem apostolicam alterna vescera gratiae. Omissio itaque Aenio, veniendum est ad Cesarium, hominem primarium in republica partium, & qui vicarium Arelatensem Episcoporum dignitatem extulit in immensum.

II. Erat Cesarius patria Cabillonensis in provincia Lugdunensi prima. Tyrocinia pietatis in monasterio Lirinensi posuit admidum juvenis. Inde vero abductus ab Aenio concive suo, primum ordinatus ab eo est Diaconus, deinde Presbyter. Aliquanto post Aenius sentiens imminentem sibi supremum diem, clerum & populum civitatis ad se vocans, admonuit illos de Cesario post mortem